

Ester

A'ti pūrī a'tiro weero ojano'pā nise ni'i

Ester wāmetiri pūrī Persia di'tapu core wa'a'quere, co weeseticū'quere were'e. Ti di'ta wiogu waro Asuero wāmetigu cū nūmorē cō'áca be'ro Ester core ducayuco niwō.

Tojo wa'áca be'ro co mūgū Mardoqueo pūarā surara wiorā Asuerore wējēsī'rīcā tu'ogu, Estere werecu niwī. Co pe'e wiogupare were-turiaco niwō. Mardoqueo, Ester judío masā nicārā niwā. Tojo wa'áca be'ro Asuero Amárē cū docacjū wiogu sōrōcū niwī. Amán judío masārē wējēsī'rīcūcū niwī. Tojo weegu cū wiogu dutiro me'rā nipe'tirā judío masā Persiapu nirārē wējēatjere apocu niwī. Mardoqueo tere tu'ogu, Estere “Te cjasere wiogu me'rā ucūbosago wa'aya”, nicu niwī. Wiogu me'rā co ucūca be'ro, co acawererā judío masārē yū'rūweticā weeco niwō. Tojo weegu wiogu judío masārē wējērōnojō o'ogu, Amán pe'ere wējēduticū niwī.

A'tiro wee judío masā yū'rūweticūcārā niwā.

Ester nirī pūrī dasea ye me'rā quetiwerero weronojō ojano'caro niwā. Nipe'tise versiculari ojano'ña marīcaro niwā. “Apeye yū'rūoro ni'i” nise pe'e pejeti ucūse useri me'rā ojano'caro niwā.

*Wiogu Asuero cū bosenūmu wee'que ni'i
(Est 1.1-22)*

A'te queti wiogu Asuero wāmetigu peje waro ciento veintisiete di'ta cū dutise cuori cura tojo wa'acaro niwā. Te di'ta India wāmetirogu me'rā nu'cā, téé Etiopía wāmetirogu nituocaro niwā. Cū pe'e Susa wāmetiri macāpu nibutiacu niwī. Tojo weerā surara ti macārē añurō co'temujācārā niwā.

Asuero i'tia cū'ma cū wiogu sājāca be'ro cū me'rā da'raráre, cūrē weetamurárē, nipe'tirā wiorárē da'ratamurárē bosenumu su'ori weep-eocu niwī. Tojo nicā Persiacjārā surara wiorárē, Medocjārā surara wiorárē, nipe'tiro cū dutise di'tacjārā wiorárē su'ori tojo weecu niwī. Na topu nise nūmūrīrē cū wiogu chosere añubutiase nipe'tisere ī'ocu niwī narē. Ti bosenumu wéérā, seis mujipūrī bosenumūticārā niwā. Ti bosenumu yapare wiogu Asuero cū wiogu nirī wi'i wijaaropu ni'cā semana bosenumu su'ori weenemopeocu niwī. Nipe'tirā Susa wāmetiri macāpu nirā wiorā, tojo nicā mejō nirāpūta ti bosenumurē pijiono'cārā niwā.

Wiogu nūmo Vasti pe'e quē'rā wiogu Asuero ya wi'ipu na pijio'cārā nūmosānumiarē su'ori ba'aco niwō.

Siete nūmūrī wiogu bosenumu nirī nūmu majā wiogu u'seducaco vino sī'rītjīlagu e'caticu niwī. Tojo weerī curare siete umua cūrē da'ratamurā cū "Añurō weema" ni, cū ī'arārē pijicu niwī. Na Mehumán, Bizta, Harbona, Bigta, Abagta, Zetar, Carcas wāmeticārā niwā. Narē a'tiro nicu niwī:

"Yū'u nūmo, wiogo Vastire yū'u tiropu pi-jiwā'cātia. Co wiogo dūpoapu pesari be'tore pesawā'cātiato", nicu niwī. Co añugō wiogo

nisere masā, tojo nicā wiorā ī'amarīato nígū, core pijiocū niwī. Diacjūta co añugō nico niwō. Co pe'e wiogū sō'oni'cārā cū "Añurō weerā nima" ni, cū pijidutigu o'ó'cārā pijicā, wa'asī'rītico niwō. Tojo weegū wiogū uputu waro uacū niwī.

Cū uayu'rūmajāgū, añurō masīrārē "¿De'ro weegusari yu'u co me'rā?" ni sērītiña'cu niwī.

Na wiorānojō dutise masībutiarā pe'e wiogūre weresācārā niwā. "Apego numio a'maña. Mu'u tojo weecā, Vasti mejēta wiogo nigōsamo. Apego nigōsamo. Tojo weese me'rā dia'cū numia nipe'tiro mu'u dutiri di'tacjārā na marāpusħumuarē wiopesase me'rā yu'tirāsama", nicārā niwā. Na tojo nisere wiogū tu'sayu'rūacū niwī majā.

2

Estere wiogo sōrō'que ni'i (Est 2.1-11,17-20)

Tojo weegū cūrē da'raco'terārē pājārā numia añurā numiarē a'madutigu o'ócu niwī. Narē bocatoja, Vastire dūcayuacjo, ma'ma wiogo wa'acjore besegutigu, cū wiogū nirī wi'ipu narē miitiduticū niwī.

Susa wāmetiri macāpu ni'cū judío masū Mar-doqueo wāmetigu nicū niwī. Cū Jair macā, Simei, tojo nicā Cis pārāmi nituriagu, Benjamí ya curuacjū nicū niwī. Cū āpērā pājārā me'rā Babilonia wiogū Nabucodonosore Jerusalépu ní'cu cō'awīrōno'cu niwī. Jeconías, Judá di'ta wiogū

2: +2.1-11 Ī'aña glosariopu "judío masā".

me'rā cō'awīrōno'cū niwī. Cū Mardoqueo, cū pacū ma'mi macō Hadasa wāmetigore pacū, paco wērīca be'ro masōcū niwī. Co apetero Ester pisuno'co, numio añugō waro nico niwō. Tojo weerā wiogū Asuerore da'raco'terā cū ya wi'ipū ãpērā numia pājārā me'rā core miacārā niwā. Core Hegai, wiogū ya wi'ire numiarē co'tegupure wiacārā niwā.

Wiogure da'raco'tegū, numiarē sū'ori co'tegū, Hegai Estere tū'sayū'rūacū niwī. Tojo weegū core añurō weecū niwī. Cū co judío masō nisere masīticū niwī. Mardoqueo core ne ãpērārē tere weredutiticū niwī. Nipe'tise nūmūrī Mardoqueo wiogū ya wi'i numia na nirō pōtēorōpū Estere “¿De'ro wa'amiti?”, ni masīsī'rīgū, ī'abajaque'amūjācū niwī.

Ni'cā cū'ma yū'rūca be'ropū Estere majā wiogū tiropū ni'cā ñami cū me'rā cārīrō nicaro niwū. Wiogū ãpērā numia yū'rūoro Estere tū'sayū'rūmajāgū, wiogo pesari be'tore co dūpoapū peocū niwī. Tojo wee Vasti dūcayuro core wiogo sōrōcū niwī. Be'ro core pajiri bosenūmu weepeogū, sū'ori ba'acū niwī. Ti bosenūmu nicārē nipe'tirā cū me'rā da'rārārē, cūrē weetamurārē pijiocū niwī. Nipe'tise di'ta cū dutiro doca nise di'tacjārārē “Bosenūmu wa'arotiro wee'e”, ní'o'ocū niwī. Wiorā na weewūaronojōta narē peje apeyenojō o'ocū niwī. Titare wiogū core, “Judío masō nimo” ni, masīticū niwī.

Mardoqueo surara na wiogure wējēsī'rīsere

tu'oboca'que ni'i

(Est 2.21-23)

Ni'cā nāmu Mardoqueo wiogħare co'terā pħarā surara wiorā, Bigtán, Teres wāmetirārē, na "Wiogħre wējērā" ni aposere tu'ocu niwī. Tojo weegħu cū Estepure wereċeu niwī. Co pe'e quē'rā Mardoqueo cū ní'quere wiogħupħare wereturiaco niwō. Wiogħu tere tu'ogħu, na tojo weesī'rīsere besecu niwī. Beseboca, "Wiogo Ester ní'que diacjūta niapā", nicu niwī. Be'ro na pħarā surara wiorārē yucugħupħu du'teyooduticu niwī. Te tojo wa'asere, ni'cā pūrī cū wiogħu sājānu'cācatero wee'quere ojaō'orī pūrīpħu ojaō'oduticu niwī.

3

Amán cū judío masārē wējēsī'rīmi'que ni'i

(Est 3.1-15)

Be'ro wiogħu ni'cū cū me'rā da'ragħu, Amán wāmetigħu me'rā e'catiyyu'ruacu niwī. Cū Hamedata macu, Agag pārāmi nituriagħpu nicu niwī. Tojo weegħu cārē āpērā da'rara bu'ipu da'rase cūucu niwī. Tojo nicā, wiogħu nipe'tirārē Amārē ējōpeose ī'orā, paamu'rīque'aduticu niwī. Te dutisere nipe'tirā wiorā cū ya wi'ipu nirā queoro weecārā niwā.

Mardoqueo dia'cū cārē ī'agħu, paamu'rīque'aticu niwī. Amán cārē wiopesase me'rā paamu'rīque'aticā ī'agħu, uayu'rħacu niwī. Cū Mardoqueore "Ti curuacjū nimi" ni, tu'otojacu niwī. Tojo weegħu "Cū se'sarore bu'iri da'resome", nicu niwī. Tojo weeronojō o'ogħu, "¿De'ro wee nipe'tirā judío masā Asuero

că dutise di'tapu nirärē pe'oroħamitito?", ni wäcūcu niwī.

Tojo weegu judío masärē wějěatji numurē beseduticu niwī. Na tojo weebocáca nūmu nituori mujipū trece nicā nicaro niwū.

Be'ro Amán wiogu tiropu ī'agū wa'acu niwī. Cūrē a'tiro nicu niwī:

—Nipe'tise mu'u dutise di'tapure ni'cā curuacjärā āpērā wa'teropure mejēcā weesetirā, mu'u dutisere weetima. Tojo weegu narē wějēcō'arðħa'a, nicu niwī Amán.

Cū tojo nicā tu'ogu, wiogu cūrē yu'ticu niwī:

—Mu'u de'ro weesi'rīrō weeyā. Ni'cā dutiro "Narē tojo wee wějērāti" nisere ojaya, nicu niwī. Be'ro Amán, judío masärē ī'atu'tiri masärē că wiogu omopica tuusāarī be'tore te dutise oja'quere ñacūudutigu o'ocu niwī.

Tojo weegu Amán, wiogu Asuero că dutise macārīcjärärē nipe'tisepure papera ojað'oduticu niwī. Ti pūrīpure nipe'tirāpure "Ni'cā nūmata judío masärē wějēpe'ocā'ña. Nipe'tirā wī'marā, ma'mapjia, bučurā, numiarē wějēpe'ocā'ña. Na ye ní'quere miiwapaya", ni ojano'caro niwū. Narē wějěatji nūmu pe'e nituori mujipū trece nicā nicaro niwū.

4

Mardoqueo Estere weetamuse sērī'que ni'i (Est 4.1-17)

Mardoqueo nipe'tise tojo wa'asere masigū, că bujawetisere ī'ogū, că ye su'tire tu'rēcū niwī. Tojo nicā su'ti wāquisenojörē sāña, că duopapure nujärē őrēpeocu niwī. Tojo nicā,

ʉpʉtʉ ña'arõ tu'oña'gã, dʉjasewã'a, nipe'tiri macãpʉ caricũsijacʉ niwã. Téé wiogʉ ya wi'i sãjãarõ tiropʉ caricüejacʉ niwã. Tojo su'ti sãñarãnojõrẽ ne topʉre sãjãadutiticãrã niwã. Tojo nicã, apeye macãrïpʉ wiogʉ cã judío masãrẽ wẽjẽdutio'ose etacaro niwã. Tojo weerã judío masã te macãrïpʉ nirã ña'abutiaro tu'oña'cãrã niwã. Na bʉjawetisere ū'orã, be'ticãrã niwã. Utí, ʉpʉtʉ caricücãrã niwã. Pãjãrã nujã bu'ipʉ cãñã, tojo nicã su'ti wãquïsenojõrẽ sãñacãrã niwã.

Be'ro ni'cãrẽrã da'raco'terã Estepʉre "Mardoqueo su'ti wãquïsenojõrẽ sãña weetjĩagã, ʉpʉtʉ waro bʉjawetigʉ, caricũ utigʉ weeami," ni werecãrã niwã. Tojo nicã tu'ogo, co ni'cã core da'raco'tegʉ Hatac wãmetigʉre "¿De'ro wa'amiaparito?" ni sãrãtiña'dutigo o'óco niwõ. Cã wa'a, Mardoqueore sãrãtiña'cʉ niwã.

Mardoqueo Hatare, wiogʉ judío masãrẽ wẽjẽdutise cã cãñ'quere werecʉ niwã. Tojo nicã, narẽ wiogʉ wẽjẽdutise oja'quere ū'adutigʉ, wiogopʉre ni'cã pãrĩ te oja'quere o'óco niwã. "Mu'ʉ wiogopʉre marĩ acawererã judío masãrẽ 'Wẽjẽticã'ñã', ni sãrãbosaya", ni queti o'óco niwã. Hatac wiogo tiropʉ eta, Mardoqueo cã ní'quere werepe'ocʉ niwã.

Co apaturi Hatare Mardoqueo tiropʉ "Wiogʉ nirõpʉ ne ni'cã sãjãata basiowe'e. Cã pijicãpʉ dia'cã sãjãata basio'o", ni weredutigo o'óco niwõ. "Tojowaro sãjãácãma, cã wẽjẽcãsami. Cã wiogʉ cãocjʉ uru me'rã da're'cʉ me'rã sãopuacã

dia'cūrē yu'rūwetino'rōsa'a", nico niwō. Ni'cā mujīpū yu'rūcaro niwū, cū core ne pijiotiro.

Be'ro Hatac wa'a, Mardoqueore co ní'quere wereturiacū niwī. Mardoqueo co tojo nisere tū'ogū, core a'tiro ni queti o'ócu niwī: "Mu'u, 'Wiogū ya wi'ipū nise me'rā dia'cū ni'cōta judío masō yu'rūgosa'a', ni wācūticā'ñā. Mu'u ni'cārōacā wiogūre sērītigo, tojowaro tū'oña'gō, āpērā pe'e judío masārē yu'rūorāsama. Mu'u, mu'u pacū acawererā wērīpe'tia wa'arāsa'a. Mu'u ni'cārōacārē a'tiro wa'asenojōrē weeta-muacjota wiogo sājāpā," ni wereduticū niwī. Be'ro Hatac co tiropū wa'a, Mardoqueo cū ní'quere core werecū niwī.

Tojo nicā tū'ogo, co a'tiro Mardoqueore yu'tio'oco niwō: "Mu'u wa'a weetjīagū, nipe'tirā judío masā Susa macāpū nirārē nerēdutigū wa'aya. Ye niatjere yu'ure be'tibosato. Nami, umaco i'tia nūmu, ne ba'ati, sī'rīticā'to. Yu'u quē'rā, yu'ure da'raco'terā numia me'rā mejārōta weerāsa'a. Tu'ajanū'cō, wiogū tiropū ū'agō wa'agoti. Yu'ure pijitimicā wa'ago, wiorā dutisere yu'rūnū'cāgō weebosa'a. Yu'ure wējēsī'rīrā, wējēato", nico niwō.

Be'ro da'raco'tegū Mardoqueo tiropū te que-tire weregū etacū niwī. Tere tū'ogū, Mardoqueo nipe'tise Ester co duti'caronojōta weecū niwī.

5

*Ester wiogū Asuerore co ucū'que ni'i
(Est 5.1-8)*

I'tia nūmū na be'tíca be'ro Ester wiogo sāñase su'tire sāña, wiogu nirī tucū pōtēorōpu wa'aco niwō. Wiogu core ī'agū, cū duticjū uru me'rā da're'cu me'rā siopuocu niwī. Cū tojo weecā ī'agō, cū nirī tucūpu sājāaco niwō.

Be'ro wiogu core sērītiña'cu niwī:

—¿Wiogo Ester, yu'u mu'urē de'ro weecā uati? Mu'u yu'ure deco me'rā yu'u dutisere sērīcā, mu'urē o'omasī'i, nicu niwī.

Co cūrē yu'tico niwō:

—Wiogu, mu'urē añucā, ni'cācā yu'u mu'urē ba'ase do'aduti'quere Amán me'rā ba'agu a'ticā uasa'a, nico niwō.

Tojo nicā tu'ogu, wiogu Amárē pijiduticu niwī. Be'ro na puarāpūta co tiropu ba'arā wa'acārā niwā. Na ba'adujiri cura wiogu Estere a'tiro nicu niwī:

—Mu'u uasere sērīna. Mu'u deco me'rā yu'u dutisere sērīcā, mu'urē o'omasī'i, nicu niwī.

Ester cūrē yu'tico niwō:

—A'te dia'cūrē mu'urē sērīgōti. Wiogu, mu'u yu'ure ma'igū, yu'u sērīsere o'osī'rīgū, a'tiro weeya. Ñamiacā Amán me'rā ba'patitjīagū, yu'u ba'ase do'adutisere apaturi ba'agu a'tia. Mu'u ba'agu ejacā, yu'u uasere mu'urē sērīgōti, ni yu'tico niwō.

Amán Mardoqueore cū ī'atu'ti'que ni'i (Est 5.9-14)

Na ba'áca be'ro Amán cū ya wi'ipu tojáágū, Mardoqueore bocaejacu niwī. Mardoqueo cū weewuaronojōpūma cūrē ī'agū, ne wā'cānu'cāti, cūrē wiopesase me'rā ī'aticu niwī. Tere ī'agū,

Amán uayu'ruacu niwī. Tojo uamigū, ne mejēcā weetigūta, cū ya wi'ipu tojaa wa'acu niwī. Topu tojatagu, cū nūmorē, tojo nicā cū me'rācjārāpūre pijineocu niwī. Nipe'tise cū niyeru cuosere, cū pō'rā ȏmuarē, cūrē wiogu añubutiase da'rase cū'quere werecu niwī. A'tiro ninemocu niwī narē:

—Apeyema wiogo Ester yu'u se'saroore wiogu me'rā ba'adutigo pijiamo. Tojo weego ñamiacā quē'rārē apaturi ba'adutigo pijiamo. Tojo nimicā, judío masū Mardoqueo wiogu ya wi'i sope pu'to cū dujicā, tu'satisa'a. Tojo weero wiogo co yu'ure ba'adutigo pijise yu'ure ne wapamarī'i, nicu niwī.

Tojo nicā tu'orā, cū nūmo, cū me'rācjārā cūrē “A'tiro pe'e weeya”, nicārā niwā:

—Ni'cāgū masārē na dū'teyoo wējēacjure nū'cōdutiya. Tigure veintidós metros ȏ'muacu nū'cōdutiya. Ñamiacā ñamiña'cūrō wiogure, “Mardoqueore topu dū'teyoodutiya”, ni sērīña. Tojo weegu mu'u ne wācūque'tiro marīrō wiogu me'rā ba'agu wa'agusa'a, nicārā niwā cūrē.

Na tojo nisere tu'ogu, Amán tu'sayu'ruacu niwī. Tojo weegu na dū'teyoo wējēacjure nū'cōdutigu o'ócu niwī.

6

Mardoqueore añurō wa'a'que ni'i (Est 6.1-14)

Tí ñamirē wiogu Asuero ne cārīmasīticu niwī. Tojo weegu ni'cū cūrē da'raco'tegure na wiogu cū sājānu'cācateropu “Tojo wa'a'a”, ni ojaō'orī pūrīrē miiwijatiduti, bu'eña'duticu

niwī. Wiogure tere bu'ewā'cāgū, Mardoqueo puarā surara wiorā, Bigtán, Teres wāmetirā, na wiogure “Wējērāti” ni apoyu'quere cū were'quere bu'eejacu niwī.

Tere tu'ogu, wiogu cārē da'raco'terārē “Mardoqueore yu'ure añurō wee'que wapare ñe'enojōrē cārē o'ori?” ni sērītiña'cu niwī.

Cārē da'raco'terā pe'e “O'ono'ña marīwū”, nicārā niwā.

Na tojo nirī cura Mardoqueore na “Wējērāti” ni nu'cō'cāpū dū'teyoodutiguti nígū, Amán wiogure sērīgū sājāacu niwī. Amán ne ni'cā usero ni wīorētimicā, wiogu cārē ū'a, a'tiro sērītiña'cu niwī:

—¿Mu'u tu'oña'cā, yu'ure añurō wee'que wapa ñe'enojō yu'u o'ocā añubosari?

Amán pe'e “Yu'ureta nigū weesami; yu'ure apeyenojō añurō weesī'rīgū weesami” ni wācūgū, a'tiro nicu niwī:

—Yu'u tu'oña'cā, cārē mu'u wiogu su'ti sāñasenojōrē sāñagūsami. Tojo nicā, ni'cū mu'u yagu cabayu mu'u pesagūnojō bu'ipu mujāpejagūsami. Be'ro mu'u me'rā da'ragu waro Susa macā decopu cabayure wejee, su'ori a'tiro caricūsijagūsami: “Wiogu, masūrē cū añurō weesī'rīgūrē a'tiro añurō wee'omi,” nicu niwī Amán.

Tere tu'ogu, wiogu nicu niwī:

—¡Mu'u tojo wācūse añuyu'rūa'a! Maata wa'a weetjīlagū, nipe'tise mu'u “Weeguti” ní'quere Mardoqueo judío masūrē tojo weegu wa'aya, nicu niwī.

Wiogʉ tojo níca be'ro maata Amán cãrẽ ñ'atu'timi'cure cã wiogure “Tojo weeroʉa'a” ní'quere weecʉ niwĩ. Tojo weegʉ Mardoqueore wiogʉ su'ti sãñasenojõrẽ sãa, ni'cã wiogʉ yagʉ cabayu bu'ipʉ miipeo, macã decopʉ cãrẽ sʉ'ori a'tiro ni caricũsijacʉ niwĩ: “Wiogʉ masãrẽ cã añurõ weesí'rígürẽ a'tiro añurõ weeñ'omi,” ni caricũcʉ niwĩ.

Cã tere tu'ajáca be'ro Amán cã ya wi'ipʉ uputʉ bujawetise me'rã bopoyagʉ tojaa wa'acʉ niwĩ. Topʉ tojatagʉ, cã nãmorẽ, cã me'rãcjãrãrẽ, cãrẽ wa'a'quere werecʉ niwĩ. Cã wiogupure “Mardoqueore du'teyoo wẽjẽdutiroʉa'a” ni, ne cã'rõ sãrĩma'aticʉ niwĩ.

Tere tʉ'orã, cã nãmo, cã me'rãcjãrã a'tiro nicãrã niwã:

—Cã Mardoqueo judío masã nicãma, mu'ʉ cãrẽ ne mejẽcã weemasísome. Cã pe'e mu'urẽ mejẽcã wa'acã weegusami, nicãrã niwã.

Na tojo nirã cura wiogʉ Asuerore da'raco'teri masã Amárẽ Ester tiropʉ apaturi ba'adutirã pijirã etacãrã niwã.

7

Amárẽ na yucugupʉ du'teyoo wẽjẽ'que ni'i (Est 7.1-10)

Tojo weegʉ wiogʉ, Amán me'rã Ester tiropʉ ba'arã wa'acãrã niwã. Wiogʉ na sã'rã, ba'ari cura wiogore “¿Mu'ʉ ñe'enojõrẽ sãrãsã'rãmiati? Mu'ʉ yu'ʉ dutisere deco me'rã sãrãcã, o'ogutí”, nicʉ niwĩ.

Co cãrẽ a'tiro yʉ'tico niwõ:

—Yū'ure, yū'ū acawererā judío masārē wējēticā'ña, ni sērīgōti. Úsārē ī'atu'tigu nipe'tirārē wējēpe'ogutigu weemi. Úsārē āpērāpūre da'rawā'ñaco'tedutirā duacāma, mu'urē caribotiboapā, nico niwō.

Tere tu'ogu, wiogu core sēritiñā'cu niwī:

—¿Noanojō a'te ña'ase pacare weebutia-bosari?

Wiogo cūrē yū'tico niwō:

—A'to dujimi. Ā'rī Amán nimi úsārē ī'atu'ti "Wējēcō'agūti" nigū, nico niwō.

Co weresāsere tu'ogu, Amán uiyu'rū, bu'agu weronojō tojacu niwī.

Wiogu Asuero pe'e uputu uase me'rā wi-jaaropu na o'ori ote'caropu wijaa wa'acu niwī. Amán pe'e "Wiogu yū'ure wējēdutigusami", ni wācūcu niwī. Tojo weegu Estere "Yū'ure wējēticā'to", ni sērīgu, co me'rā ti tucūpu tojacu niwī.

Cu co me'rā ucūrī cura wiogu wijaaropu ní'cu apaturi sājāejacu niwī tja. Amán co tiropu ejaque'acā ī'agū, wiogu a'tiro ni caricūcu niwī:

—¿Ya wi'i, yū'ū ī'orōpu wiogo warore ña'arō weesī'rī weeti mu'u? nicu niwī. Wiogu cu ucūca be'ro maata cūrē da'raco'terā Amán di-apoare mo'acārā niwā.* Maata cūrē da'raco'terā Amán cu "Mardoqueore dū'teyoo wējēgūti" ni apoyu'quere werecārā niwā. Na tojo nicā tu'ogu, "Amán cu nu'cōduti'cūputa cūrē dūteyoo, wējērā wa'aya", nicu niwī wiogu.

* 7: 7.1-10 Persia di'tapure bu'iritirārē na wējēacjare na diapoare mo'acūcārā niwā. Tojo nicā, wiogure apaturi ī'anemosome nírā, tojo weecūcārā niwā.

Tojo weerā Amárē c̄ Mardoqueore du'teyoobo'cupu du'teyoo wējēcā'cārā niwā. Te me'rā wiogu c̄ apatū ua'que pe'tia wa'acaro niwā.

8

*Wiogu judío masārē apeye dutise oja'que ni'i
(Est 8.1-13)*

Ti n̄em̄ata Ester Mardoqueore “C̄ yu' u ma'mi nimi”, nico niwō. Tojo wee wiogu Amán c̄ da'rase cuomi'quere Mardoqueore o'ocu niwī. Tojo nimicā, judío masārē wējēdutise nicā'caro niwā yujupu. Tojo weego, be'ro Ester apaturi wiogu tiropu wa'aco niwō. Co wiogu tiropu ejacā, c̄ yagu tuacju uru me'rā da're'cure siopuocu niwī tja. Co wiogure “Amán c̄ dutise cū'quere weeticā'to. Tojo weecāma, judío masārē wējēpe'ocā'bosama”, ni sērīco niwō.

Co tojo nicā t̄'ogu, core werecu niwī:

—Te dutisere yu'u omopica tuusāarī be'to me'rā yu'u wāmerē ñacūuno'wā. Tojo weegu tere “Weeticā'ñā”, ni cā'motata basiowe'e, nicu niwī. Tojo nimigā, mu'hā, Mardoqueo me'rā apeye dutise ojaya, nicu niwī. Na c̄ ní'caronojōta weecārā niwā. Na oja'que judío masārē “M̄asā quē'rā na 'Wējērāti' cū'ca n̄umurē m̄asārē wējēsī'rīrānojōrē wējēa'meña” nisere ojacārā niwā. Te dutise nipe'tirā na ucūse me'rā nipe'tiro wiogu Asuero c̄ dutise di'tapure, te macārīpu te pūrīrē o'ócārā niwā. Nipe'tise macārīpu te pūrīrē o'ócārā niwā. Nit̄uori mujīpū trece nicā wiogu dutise na judío masārē wējēatje nicaro nimiwā.

9

*Judío masā na a'mewējē wapata'a'que ni'i
(Est 9.1-10)*

Ti nūmū nicā, judío masārē waparātirā “Narē wējēcō'arāti” ni, na co'teri nūmū nicaro nimiwā. Na wācū'caronojō ne wa'aticaro niwā. Judío masā pe'e narē wējē yu'r̄uoquejocā'cārā niwā. Nipe'tiro Asuero wiogu cū dutise di'tapure judío masā na nise macārīpure narē wējēsī'rīrānojō me'rā a'mewējērāti nírā, nerēcārā niwā. Ne āpērā na me'rā a'mewējēsī'rīticārā niwā. Judío masārē na uise nipe'tiropu se'sape'tia wa'acaro niwā. Nipe'tirā, te di'ta, te macārīcjārā wiorā, wiorārē weetamurānojō Mardoqueore uirā, judío masā pe'ere weetamucārā niwā. Cū wiogu ya wi'ipure cū quē'rā wiogu niyucā, cū “Tojo weepu” nise nipe'tiro ti di'ta nise macārīpure se'sa wa'acaro niwā. Tojo weegu Mardoqueo um̄corinucū nemorō tutuagu wa'acu niwī.

Judío masā di'pjīrī paca me'rā narē waparāti'cārārē wējēpe'ocārā niwā. Nipe'tirāpureta pe'obutiacārā niwā. Na de'ro weesī'rīrō narē weecārā niwā. Judío masā Susa, wiogu nirī macāpū nirā narē waparāti'cārārē quinientos wa'tero masārē wējēcārā niwā. Tojo nicā diez Amán pō'rā ní'cārārē wējēcārā niwā. Na cuo'que pe'ema ñe'eticārā niwā. Na a'tiro wāmeticārā niwā: Parsandata, Dalfón, Aspata, Porata, Adalía, Aridata, Parmasta, Arisai, Aridai, Vaizata nicārā niwā. Amán, Hamedata macū, judío masārē ī'atu'tiri masū nicu niwī.

*Purim wāmetiri bosenumurē cūu'que ni'i
(Est 9.20-23,26)*

Na a'mewējēca be'ro ni'cā nūmu bosenumu cūucārā niwā. Mardoqueo cū oja'quenojōrēta narē cū'marīnucā ti mujīpūnojōrēta catorce, quince nicā bosenumutiduticā niwī. Tojo weese me'rā narē waparātimi'cārārē yū'rūweti'quere wācūsirutucārā niwā. Tojo weerā na te nūmūrīrē e'catise me'rā bosenumurī pacab'aase me'rā weecārā niwā. Āpērārē na basu a'merī apeyenojō o'ocārā niwā. Pajasecuorā quē'rārē weetamurā, apeyenojō o'ocārā niwā. A'ti bosenumu weesere cū'marīnucā judío masā tojo weesetinu'cūcā'cārā niwā. Mardoqueo cū oja'quereta weecārā niwā.

Ti bosenumurē Purim pisucārā niwā.

10

*Mardoqueo wiogu dutise doca wa'a'que ni'i
(Est 10.3)*

Persiapure Mardoqueo wiogu mejō nigū mejēta wa'acu niwī. Wiogu Asuero se'saro Mardoqueo nemorō wiogu waro nicu niwī. Na nipe'tirāpūta cārē wiopesase me'rā ū'acārā niwā. Mardoqueo nipe'tirā judío masārē ūputu weetamucu niwī.

Õ'âkĩ hi yeere uúkûri turi Tukano New Testament in Tucano (BR:tuo:Tucano)

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tucano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-12-01

PDF generated using Haiola and XeLaTeX on 11 Nov 2022 from source
files dated 9 Oct 2020
00ebd04f-7b0d-5a72-9407-eb53ae2bd086